

# Statistikat e krimeve dhe drejtësisë penale

Metadata Referenciale në format Euro SDMX Metadata Structure  
(ESMS)

INSTAT

## Metadata Referenciale

|   |    |
|---|----|
| 1. Kontakt .....                            | 2  |
| 2. Përditësimi i metadatave .....           | 2  |
| 3. Paraqitja statistikore .....             | 2  |
| 4. Njësia matëse .....                      | 7  |
| 5. Periudha e referencës .....              | 7  |
| 6. Mandati institucional .....              | 7  |
| 7. Konfidencialiteti .....                  | 7  |
| 8. Politika e botimit .....                 | 8  |
| 9. Shpeshtësia e shpërndarjes .....         | 8  |
| 10. Aksesimi në të dhëna dhe qartësia ..... | 8  |
| 11. Manaxhimi i cilësisë .....              | 9  |
| 12. Rëndësia .....                          | 10 |
| 13. Saktësia dhe besueshmëria .....         | 10 |
| 14. Afatet kohore dhe përpikmëria .....     | 11 |
| 15. Koherenca dhe Krahasueshmëria .....     | 11 |
| 16. Kostoja dhe ngarkesa .....              | 12 |
| 17. Rishikimi i të dhënave .....            | 12 |
| 18. Përpunimi statistikor .....             | 13 |
| 19. Komente .....                           | 14 |
| Aneks .....                                 | 14 |

| <b>1. Kontakt</b>                      |   |
|--|---|
| 1.1. Institucioni i kontaktit          | INSTAT, Instituti i Statistikave  |
| 1.2. Njësia e kontaktit                | Sektori i Zhvillimit të Statistikave Sociale, Drejtoria e Statistikave Sociale  |
| 1.3. Personi i kontaktit               | Albana Berbiu   |
| 1.4. Funkzioni i personit të kontaktit | Specialist në Sektorin e Zhvillimit të Statistikave Sociale   |
| 1.5. Adresa postare                    | Rr. Vllazën Huta, Ndërtesa 35, Hyrja 1, Tiranë, Kodi Postar 1017  |
| 1.6. Adresa elektronike (e-mail)       | <a href="mailto:aberbiu@instat.gov.al">aberbiu@instat.gov.al</a>  |
| 1.7. Numri i telefonit                 | +(355) 4 2222411 / +(355) 4 2233356   |
| 1.8. Numri i faksit                    | +(355) 4 2228300  |
| <b>2. Përditësimi i metadatave</b>     |   |
| 2.1. Çertifikimi i fundit i metadatës  | 30/04/2020  |
| 2.2. Publikimi i fundit i metadatës    | 30/04/2019  |
| 2.3. Përditësimi i fundit i metadatës  | 30/04/2020  |
| <b>3. Paraqitja statistikore</b>       |   |
| 3.1. Përshkrimi i të dhënave           | <p><b>Veprat penale, të dëmtuar dhe autorë</b></p> <p>INSTAT mbledh, analizon dhe publikon të dhëna mbi veprat penale, autorë dhe persona të dëmtuar nga kryerja e një vepre penale. Statistikat mbi veprat penale bëjnë fjalë për vepra specifike të regjistruara nga policia, klasifikimi i të cilave bëhet duke u bazuar në Kodin Penal të Republikës së Shqipërisë. Veprat e regjistruara janë ngjarje të evidentuara, jo gjykime të cilat janë në kompetencë të organeve të drejtësisë për të dhënë verdiktin. Të dhënat mbi autorët bazohen në persona të dyshuar në kryerjen e një vepre penale. Ato përfshijnë të dhëna mbi</p> |

autorët për vepra penale specifike dhe për totalin e gjithë veprave të regjistruara sipas gjinisë, grupmoshës, etj). Një rëndësi e madhe duhet t'i kushtohet jo vetëm evidentimit të veprave penale, luftës në kapjen e autorëve, por edhe mbrojtjes së pozitës së personit të dëmtuar nga kryerja e veprës penale. Të dhënat mbi të dëmtuarit përfshijnë të dhëna mbi veprat specifike dhe të dëmtuarit sipas gjinisë, grupmoshës.

### **Statistikat mbi personat e pandehur dhe procedimet penale**

Statistikat mbi procedimet penale dhe personat e pandehur pasqyrojnë të dhëna nga Prokuroria e Përgjithshme. Të pandehurit paraqesin të dhëna për personat të cilëve ju është njoftuar akuza për veprën penale dhe janë të disagreguara sipas gjinisë, grupmoshës dhe veprave penale. Të dhënat nga prokuroria pasqyrojnë statistika mbi procedimet penale dhe të pandehur sipas vepra penale, klasifikim bazuar në Kodin Penal.

### **Statistika mbi të dënuarit**

Statistikat mbi të dënuarit pasqyrojnë numrin e individëve ndaj të cilëve janë aplikuar sanksione penale të cilat konsistojnë në marrjen apo kufizimin e disa të drejtave të cilat i kanë gëzuar deri në momentin e kryerjes së veprës penale. Sanksione këto që konsistojnë në dënime me burg, gjobë ose dënime alternative. Dënimet alternative mund të jenë gjysmëliria, punë në interes publik, pezullimi dhe qëndrimi në shtëpi. Të dhënat statistikore mbi të dënuarit përfshijnë: numrin e të dënuarve sipas gjinisë dhe grupmoshës, të dënuarit sipas llojit të veprës së kryer, dhe numri i të dënuarve sipas gjinisë.

### **Statistika mbi të burgosurit**

Statistikat mbi të burgosurit përfshijnë personat e mitur (nën 18 vjeç), të rritur (mbi 18 vjeç) sipas gjinisë të cilët janë dënuar me vendim të formës së prerë si edhe të paraburgosurit ndër vite. Numri i të burgosurve tregon gjendjen e të burgosurve në një vit të caktuar duke përfshirë hyrjet e reja dhe daljet që ndodhin për periudhën në fjalë, dhe llogaritet si një mesatare e numrit të burgosurve për çdo muaj. Të dhënat mbi të burgosurit përfshijnë statistika mbi numrin e të burgosurve, paraburgosurve sipas gjinisë dhe veprës së kryer. Të dhëna për të miturit si edhe femrat, aktivitetet rehabilituese në burgje etj.

### **Treguesit e krimeve**

Këta tregues llogariten mbi të dhënat e ardhura nga Drejtoria e Përgjithshme e Policisë së Shtetit, Prokuroria e Përgjithshme, Drejtoria e Përgjithshme e Burgjeve, Ministria e Drejtësisë dhe përlllogaritjet vjetore të popullsisë banuese nga INSTAT.

|                             |   |
|-----------------------------|---|
| 3.2. Sistemi i klasifikimit | Statistikat e krimeve dhe drejtësisë penale bazohen në klasifikimin e <a href="#">Kodit Penal të Republikës së Shqipërisë</a> |
| 3.3. Mbulimi i sektorit     | Të dhënat mbulojnë faza të ndryshme të sistemit të drejtësisë: raportimi në   |

polici, prokuroria, gjykata dhe burgje.

3.4. Koncepte statistikore dhe përkufizime

**Vepra penale:** Sjelle, veprime apo mosveprime me të cilat çënohen, dëmtohen vlerat juridike të njeriut dhe të bashkësisë së caktuar quhen vepra penale apo me një term të përgjithshëm kriminalitet. Ato ndahen 4 në krime dhe kundërvajtje penale.

**Kundërvajtje penale:** Kundërvajtjet paraqesin vepra të tilla me të cilat çënohet apo dëmtohen të mirat juridike me vlerë më të vogël krahasuar me veprat penale, pra çënojnë rendin juridik por nuk prekin bazat e tij dhe nuk kanë pasoja të rënda shoqërore.

**Vepra penale të raportuara:** Vepra të raportuara në polici ose mbi të cilat policia ka njohuri mbi to në mënyra të tjera.

**Krime kundër personit:** Kuptohen ato vepra (veprime ose mosveprime) të kundërligjshme, të kryera me dashje ose nga pakujdesia, të cilat prekin ose vënë në rrezik jetën, shëndetin, liritë, paprekshmërinë seksuale, nderin e dinjitetin e personit, të mbrojtura posaçërisht nga legjislacioni penal.

**Krime kundër pasurisë dhe në sferën ekonomike:** Përfshihen vjedhje pasurie, mashtrime, krime në fushën e doganave, tatim-taksave, shkatërrimi i pronës dhe krime që çënojnë regjimin juridik të tokës etj.

**Vrasje me dashje:** Vepër i kundraligjshëm, me anë të së cilës i hiqet jeta një personi tjetër me dashje. Përshihen veprat penale si: Neni 76 vrasje me dashje, Neni 77 vrasje me dashje në lidhje me një krim tjetër, Neni 78 vrasje me paramendim, Neni 78/a vrasje për gjakmarrje, Neni 79 vrasje në rrethana cilësuese, Neni 79/a vrasje e funksionarëve publik, Neni 79/b vrasja e punonjësve të policisë së shtetit, Neni 79/c vrasje për shkak të mardhënieve familjare, Neni 81 vrasje e foshnjës.

**Krime seksuale:** Marrëdhëniet juridike të vendosura në sferën e sigurisë së lirisë seksuale dhe të zhvillimit normal të formimit seksual, të mbrojtura posaçërisht me legjislacionin penal. Përfshihen Nenet 100- 108/a të Kodit Penal.

**Krime me dashje kundër shëndetit:** përfshihen neni 87 Tortura me pasoja të rënda, neni 88 Plagosje rëndë me dashje, neni 89 Plagosje e lehtë me dashje, neni 89/a Shitblerje transplantesh dhe neni 90 Dëmtime të tjera me dashje.

**Mashtrim:** Kuptohet marrja ose hedhja në dorë me anë të gënjeshtërs ose të shpërdorimit të betimit të pasurisë apo të të drejtave pasurore të personit fizik, personit juridik ose të shtetit, me qëllim të përfitimit material për vete ose për tjerët. Përfshihen Nenet 143-149/b të Kodit Penal.

**Krime në fushën e drogës:** Përfshijnë veprat si prodhimi, kultivimi, shitja e lëndëve narkotike dhe trafikimi i tyre. Përfshihen veprat penale si: Neni 283

Prodhimi dhe shitja e narkotikëve, Neni 283/a Trafikimi i narkotikëve, Neni 284 Kultivimi i bimëve narkotike, Neni 284/c Prodhimi dhe fabrikimi i lëndëve narkotike dhe psikotrope.

**Falsifikim monedhash:** përfshihet neni 183 i Kodit Penal.

**Shkelje e rregullave të qarkullimit rrugor:** përfshihet veprat penale 5 si: neni 290 Shkelje e rregullave të qarkullimit rrugor, neni 291 Shkelje e rregullave të qarkullimit rrugor në gjendje të dehur, pa dëshmi si edhe Neni 273 Largim nga vendi i aksidentit.

**Dhuna në familje:** Përfshihen ato akte si rrahja, apo vepër tjetër dhune, kanosje serioze për vrasje ose plagosje të rëndë, ndaj personit që është bashkëshort, ish bashkëshort, bashkëjetues apo ish bashkëjetues, gjini e afërt ose krushqi e afërt me autorin e veprës penale, me pasojë cënimin e intergritetit fizik, psikosocial dhe ekonomik të tij. Neni 130/ i Kodit penal.

**Autorë:** Persona të cilët me veprimin ose mosveprimin e tyre lejon që të ndodh një vepër penale pra shkakton pasojën e veprës penale. Autorët mbi 14 vjeç kanë përgjegjësi penale ndërkohë fëmijët nën 14 vjeç janë të përjashtuar nga përgjegjësia penale.

**I dëmtuar:** Personi të cilit çfarëdo e drejtë personale ose pasurore i është shkelur ose i është rrezikuar me veprën penale.

**I mitur:** Është çdo person nën 18 vjeç.

**I dënuar:** Personi i cili me veprat apo sjelljet e tij ka cënuar apo ka dëmtuar të mirat juridike që mbrohen me ligj. Ndaj këtyre personave aplikohen sanksione penale të cilat konsistojnë në marrjen apo kufizimin e disa të drejtave të cilat i kanë gëzuar deri në momentin e kryerjes së veprës penale.

**Çështje penale:** të gjitha ato çështje të cilat përpunohen në bazë të ligjit penal kombëtar.

**Çështje civile:** të gjitha ato çështje të cilat përpunohen në bazë të ligjit civil kombëtar.

**Çështje të përfunduara:** Numri i procedimeve të përfunduara/asgjësuar me vendim të gjykatës.

**Çështje në dorë, në pritje:** të gjitha ato çështje, procedime të cilat nuk janë finalizuar deri me 31 Dhjetor.

**Numri i të burgosurve:** Numri gjithsej i të burgosurve tregon numrin e personave të mbajtur në ambjentet e burgjeve, institucione të tjera, institucionet e burgosjes së të miturve, spitalet psikiatrike ose spitale të tjera. Përfshijnë si të

|                             |  |
|-----------------------------|--|
|                             | <p>dënuarit me burg dhe të paraburgosurit deri në 31 Dhjetor të çdo viti.</p> <p><b>I dënuar me burg</b> çdo person, shtetas shqiptar, i huaj apo pa shtetësi, i dënuar me burgim me vendim të formës së prerë të gjykatave shqiptare dhe në përputhje me marrëveshjet ndërkombëtare edhe të gjykatave të huaja, duke respektuar kërkesat përkatëse procedural.</p> <p><b>I paraburgosur:</b> Përfshihen personat, shtetas shqiptar, i huaj apo pa shtetësi, ndaj të cilëve është marrë masë sigurimi “arrest në burg”.</p> <p><b>Koeficienti i kriminalitetit:</b> Numri i veprave penale të evidentuara për 10 mijë banorë në një vit të dhënë.</p> <p><b>Norma e të burgosurve</b> shpreh numrin e përgjithshëm të personave të mbajtur në burgje në privim lirie ndaj popullsisë residente prej 10 mijë banorë, në një vit të dhënë.</p> <p><b>Të paraburgosur në privim lirie</b> shpreh numrin e përgjithshëm të personave të mbajtur në paraburgim që ende nuk janë dënuar, si përqindje ndaj numrit të përgjithshëm të personave të mbajtur në burgje në një vit të dhënë.</p> |
| 3.5. Njësia statistikore    | Njësia statistikore e të dhënave është vepra penale, autorë, të pandehur, të dënuar dhe të burgosur.   |
| 3.6. Popullata statistikore | Popullata statistikore i referohet: veprat penale të regjistruara nga policia, numri i personave të dyshuar në kryerjen e një vepre, numri i personave të dëmtuar nga vepra penale, numri i personave të pandehur, të dënuar, të paraburgosur dhe të burgosur. Gjithashtu numri i personelit që punojnë në role specifike në sistemin e drejtësisë, numri i çështjeve të trajtuara nga gjykatat.   |
| 3.7. Zona e referencës      | Të dhëna e agreguara janë në nivel qarku dhe vendi.  |
| 3.8. Mbulimi në kohë        | <p>Të dhënat janë të disponueshme nga viti 2010 dhe në vazhdim për:</p> <ul style="list-style-type: none"> <li>o Veprat penale</li> <li>o Autorë</li> <li>o Persona të dënuar</li> <li>o Të burgosur</li> </ul> <p>Të dhënat janë të disponueshme nga viti 2015 dhe në vazhdim për:</p> <ul style="list-style-type: none"> <li>o Procedime penale</li> <li>o Të pandehur</li> </ul>  |

|  |  |
|--|--|
| 3.9. Periudha bazë                             | Nuk aplikohet  |
| 4. Njësia matëse                               | <p>Në statistikat e krimeve dhe drejtësisë përdoren njësi të ndryshme matëse. Njësia bazë statistikore në statistikat e krimeve është <b>vepra penale</b> dhe çështjet.</p> <p>Njësia matëse për viktimat e veprave penale, autorë, të pandehur, të dënuar, të paraburgosur dhe të burgosur, personeli në sistemin e drejtësisë është <b>individ</b>.</p>  |
| 5. Periudha e referencës                       | Ky raport i referohet vitit 2019.  |
| <b>6. Mandati institucional</b>                |  |
| 6.1. Akte ligjore dhe marrëveshje të tjera     | <p>Në nivel kombëtar, Statistikat e krimeve janë bazuar në:</p> <ul style="list-style-type: none"> <li>• Ligj nr. 17/2018 "<a href="#">Për Statistikat Zyrtare</a>".</li> <li>• <a href="#">Programin Kombëtar të Statistikave Zyrtare për periudhën 2017-2021</a></li> <li>• Memorandum me Drejtorinë e Përgjithshme të Policisë</li> <li>• Memorandum me Drejtorinë e Përgjithshme të Burgjeve</li> <li>• Memorandum me Prokurorinë e Përgjithshme.</li> </ul>   |
| 6.2. Shkëmbimi i të dhënave                    | INSTAT transmeton të dhëna mbi krimet dhe drejtësinë penale në Eurostat në pyetësor, si pyetësori UN-CTS (të dhëna mbi krimet dhe drejtësinë penale) dhe pyetësori mbi hyrjet e paligjshme të kufirit.   |
| <b>7. Konfidencialiteti</b>                    |  |
| 7.1. Konfidencialiteti - politika              | Të dhënat konsiderohen rreptësisht konfidenciale dhe përdoren vetëm për qëllime statistikore e kërkime shkencore në përputhje me Ligj Nr. 17/2018 PËR STATISTIKAT ZYRTARE, si dhe Ligjin Nr. 9887, datë 10.03.2008 "Mbrojtja e të Dhënave Personale". Neni 31 i ligjit për statistikat zyrtare përcakton qartë që i gjithë informacioni statistikor i mbledhur nga INSTAT është konfidencial dhe mund të përdoret ose botohet vetëm në tabela përmbledhëse të tilla që nuk identifikojnë njësinë burim të informacionit. Identifikim i drejtpërdrejtë quhet kur një njësi statistikore identifikohet drejtpërdrejt nga emri, adresa ose ndonjë numër identifikimi i njohur zyrtarisht. Kur përpunimi i të dhënave kryhet në mënyrë të tillë që mundëson identifikimin e subjektit të të dhënave, të dhënat duhet të kodohen menjëherë, në mënyrë që subjektet të mos jenë më të identifikueshëm. |
| 7.2. Konfidencialiteti - trajtimi i të dhënave | Të dhënat publikohen në nivel të agreguar. Të dhënat nuk publikohen asnjëherë  |

|   |   |
|---|---|
|   | në nivel individual.  |
| <b>8. Politika e botimit</b>                |   |
| 8.1. Kalendari i publikimeve                | Njoftimet në lidhje me shpërndarjen e statistikave janë botuar në kalendarin e publikimit, i cili është në dispozicion në faqen e internetit. Njoftime dhe vonesat janë para-njoftuar në këtë kalendar. Në rastin e vonesave specifikohet data e publikimit të ardhshëm si dhe shpjegimi lidhur me arsyet e vonesave.   |
| 8.2. Aksesit në kalendarin e publikimeve    | <a href="#">Kalendari i Publikimeve</a> është në dispozicion në faqen e internetit të INSTAT.   |
| 8.3. Aksesit i përdoruesve                  | Në përputhje me nenin 34 të Ligji Nr. 17/2018 për Statistikat Zyrtare, statistikave zyrtare shpërndahen në mënyrë që të gjithë përdoruesit të kenë të drejtë të menjëhershme dhe të barabartë, përdoren të gjitha format e mundshme të medias, INSTAT-i dhe agjencitë, duke pasur në program përgjegjësitë për shpërndarjen, kërkojnë të përmbushin çdo kërkesë të çdo organizate ose individit, për të dhëna të pabotuara ose analiza të veçanta. Kanalet nga të cilat përdoruesit mund të marrin rezultatet janë si më poshtë: <ul style="list-style-type: none"> <li>• Faqeweb – publikim në internet</li> <li>• Kërkesat e shkruara</li> <li>• Publikimet e Krimeve dhe Drejtësisë Penale</li> <li>• <a href="#">Kërkesa</a> për të dhëna në linkun:</li> </ul> |
| <b>9. Shpeshësia e shpërndarjes</b>         | Shpërndarja e të dhënave të krimeve dhe drejtësisë penale bëhet në baza vjetore përmes botimeve të përmendura më lart.  |
| <b>10. Aksesit në të dhëna dhe qartësia</b> |   |
| 10.1. Njoftim për media                     | Statistikave vjetore mbi Krimet gjenden në faqen zyrtare, <a href="#">Seksioni</a> përkatës.  |
| 10.2. Publikime                             | Publikime për Statistikat e Krimeve dhe Drejtësisë Penale: <ul style="list-style-type: none"> <li>• <b>Vjetore:</b> <ul style="list-style-type: none"> <li>o Burra dhe Gra,</li> <li>o Shqipëria në shifra,</li> <li>o Vjetari statistikor</li> <li>o Vjetari statistikor rajonal</li> </ul> </li> <li>• <b>Botim i dedikuar:</b> <ul style="list-style-type: none"> <li>o Statistikat e krimeve dhe drejtësia penale, 2019</li> </ul> </li> </ul>  |

|                                   |  |
|-----------------------------------|--|
| 10.3. Baza e të dhënave on-line   | Këtu mund të aksesohet <a href="#">Databaza</a> Statistike mbi statistikat e Krimeve.  |
| 10.4. Aksesi në të dhënat mikro   | Nuk aplikohet.   |
| 10.5. Të tjera                    | INSTAT transmeton të dhëna për Eurostat në lidhje me krimet dhe statistikat juridike nëpërmjet një koleksioni të përbashkët të të dhënave të Eurostat-UNODC, çdo vit në shtator. Pyetësi i UNODC përfshin 8 fletë për t'u plotësuar dhe plotësohet nga pyetësi i Eurostat-it. Pyetësi i Eurostat përbëhet nga 1 fletë që përmban pyetje të kërkuara nga Komisioni Evropian për fushat e tij specifike të politikave. Pyetësi përmban të dhëna për veprat penale të regjistruara, autorët, viktimat e vrasjeve, të dhënat mbi ndjekjen penale, të burgosurit, personat e dënuar dhe të pafajshëm.   |
| 10.6. Dokumentimi i metodologjisë | Të dhënat janë siguruar nga burime administrative në vend si Drejtoria e Policisë së Shtetit, Prokuroria e Përgjithshme, Ministria e Drejtësisë dhe Drejtoria e Përgjithshme e Burgjeve. Një shpjegim i shkurtër rreth përkufizimeve dhe <a href="#">Metodologjisë</a> për statistikat e krimeve i vihet në dispozicion përdoruesve në fund të publikimeve si dhe në temën Krimet dhe Drejtësia Penale. Informacione të tjera shtesë ju ofrohen përdoruesve të brendshëm nëse kërkohen.  |
| 10.7. Dokumentimi i cilësisë      | Spektori i Zhvillimit të Statistikave Sociale dokumenton të gjithë proceset dhe procedurat e punës për përdorim të brendshëm.  |
| <b>11. Manaxhimi i cilësisë</b>   |  |
| 11.1. Sigurimi i cilësisë         | INSTAT është i angazhuar për sigurimin e cilësisë në prodhimin e statistikave zyrtare. Duke u bazuar në ligjin “PËR STATISTIKAT ZYRTARE, Nr. 17/2018, INSTAT përdor metoda dhe procese statistikore në përputhje me parimet dhe standardet shkencore të pranuar ndërkombëtarisht, si dhe kryen analiza të vazhdueshme, me qëllim përmirësimin e cilësisë dhe ofrimin e statistikave të përditësuara. Në kryerjen e detyrave të tij, INSTAT ndjek parimet e përgjithshme të menaxhimit të cilësisë, në përputhje me Kodin e Praktikës së Statistikave Evropiane (European Statistics Code of Practice). INSTAT për sigurimin e cilësisë udhëhiqet nga parimet e mëposhtme: paanshmëria, cilësia e proceseve dhe produkteve statistikore, orientimi për përdoruesit, orientimi për punonjësit, efektiviteti i proceseve statistikore dhe reduktimi i ngarkesës së të intervistuarve. |
| 11.2. Vlerësimi i cilësisë        | Burimi i të dhënave për statistikat e krimeve dhe drejtësisë penale është administrativ. Të dhënat krahasohen me të dhënat e viteve të mëparshme për të  |

|                                      |  |
|--------------------------------------|--|
|                                      | dalluar nëse ka koherencë të dhënash apo ka pasur ndryshime të mëdha.  |
| <b>12. Rëndësia</b>                  |  |
| 12.1. Nevojat e përdoruesit          | <p>Përdoruesit e statistikave të krimeve dhe drejtësisë penale klasifikohen si të jashtëm dhe të brendshëm.</p> <ol style="list-style-type: none"> <li>Përdoruesit e jashtëm janë: <ul style="list-style-type: none"> <li>○ Institucionet e Administratës Publike;</li> <li>○ Universitetet;</li> <li>○ Bizneset,</li> <li>○ Publiku i përgjithshëm dhe grupet e tjera të interesit;</li> <li>○ Organizata kombëtare jofitimprurëse;</li> <li>○ Disa tregues kryesorë dërgohen në Eurostat, UNODC.</li> </ul> </li> <li>Përdoruesit e brendshëm janë brenda INSTAT të cilët përdorin Statistikat e krimeve dhe drejtësisë penale si input për punën e tyre.</li> </ol> <p>Qëllimi kryesor i prodhimit të statistikave të krimeve dhe drejtësisë penale është sigurimi i një informacioni më të plotë për shkak të rëndësisë sociale që mbartin këto statistika si dhe për shqetësimet e publikut lidhur me to.</p> |
| 12.2. Kënaqësia e përdoruesit        | <p>Klikimet (Page Views) në lidhje me “Statistikat Krimeve” për vitin 2019 janë rreth 6,722.</p> <p>Gjatë 2019, INSTAT ka kryer vrojtimin për matjen e kënaqësisë së përdoruesve nga publikimet e INSTAT. Rezultatet e vrojtimit tregojnë se cilësia e përgjithshme e Statistikave të Krimeve është vlerësuar me 3.53 (70.6%) nga një shkallë prej 1 (shumë dobët) në 5 (shumë mirë).</p> <p>INSTAT organizon cdo vit <a href="#">Anketën e Kënaqësisë se Përdoruesve</a>.</p>   |
| 12.3. Plotshmëria                    | <p>INSTAT transmeton në Eurostat pyetësor për statistikave të krimeve dhe drejtësisë penale. Pyetësori është bashkim pyetësorësh me 8 fletë nga UNODC dhe 1 fletë nga Eurostat. Në total janë 462 indikatorë gjithsej, nga të cilët Instat plotëson aktualisht 350 indikatorë. Pyetësori përfshin dhe tregues jo kryesor (rotating) të cilët ndryshojnë sipas periudhës referuese.</p>   |
| <b>13. Saktësia dhe besueshmëria</b> |  |
| 13.1. Saktësia e përgjithshme        | Nuk aplikohet.   |

|  |   |                    |            |                   |           |                   |           |                |   |
|--|---|--------------------|------------|-------------------|-----------|-------------------|-----------|----------------|---|
| 13.2. Gabim i kampionimit                | Nuk aplikohet.  |                    |            |                   |           |                   |           |                |   |
| 13.3. Gabim jo i kampionimit             | Para se të dhënat të publikohen, INSTAT kontrollon nëse ka ndryshime në trend ose llogaritje të gabuara, të dhënat rishikohen. Duke qenë se të dhënat mblidhen manualisht, ka mundësi gabimesh.   |                    |            |                   |           |                   |           |                |   |
| <b>14. Afatet kohore dhe përpikmëria</b> |   |                    |            |                   |           |                   |           |                |   |
| 14.1. Afatet kohore                      | <p>Rezultatet e Statistikave të Krimeve dhe Drejtësisë Penale janë publikuar në faqen e internetit të INSTAT 121 ditë pas përfundimit të periudhës referuese (T + 121 ditë). Periudha referuese e rezultateve të Statistikave të Krimeve dhe Drejtësisë Penale është 31 Dhjetori 2019.</p> <table border="1"> <tr> <td>Periudha referuese</td> <td>12/31/2019</td> </tr> <tr> <td>Data e publikimit</td> <td>4/30/2020</td> </tr> <tr> <td>Afatet kohore</td> <td>121</td> </tr> </table>   | Periudha referuese | 12/31/2019 | Data e publikimit | 4/30/2020 | Afatet kohore     | 121       |                |   |
| Periudha referuese                       | 12/31/2019  |                    |            |                   |           |                   |           |                |   |
| Data e publikimit                        | 4/30/2020   |                    |            |                   |           |                   |           |                |   |
| Afatet kohore                            | 121   |                    |            |                   |           |                   |           |                |   |
| 14.2. Përpikmëria                        | <p>Të dhënat e Statistikave të Krimeve dhe Drejtësisë Penale publikohen bazuar në kalendarin e publikimeve. Publikimi i Statistikave të Krimeve dhe Drejtësisë Penale ka qenë i përpiktë në kohë në 100 % të publikimeve të kryera gjatë viteve.</p> <table border="1"> <tr> <td>Periudha referuese</td> <td>12/31/2019</td> </tr> <tr> <td>Data e shpallur</td> <td>4/30/2020</td> </tr> <tr> <td>Data e publikimit</td> <td>4/30/2020</td> </tr> <tr> <td>Vonesa në kohë</td> <td>0</td> </tr> </table>   | Periudha referuese | 12/31/2019 | Data e shpallur   | 4/30/2020 | Data e publikimit | 4/30/2020 | Vonesa në kohë | 0 |
| Periudha referuese                       | 12/31/2019  |                    |            |                   |           |                   |           |                |   |
| Data e shpallur                          | 4/30/2020   |                    |            |                   |           |                   |           |                |   |
| Data e publikimit                        | 4/30/2020   |                    |            |                   |           |                   |           |                |   |
| Vonesa në kohë                           | 0   |                    |            |                   |           |                   |           |                |   |
| <b>15. Koherenca dhe Krahasueshmëria</b> |   |                    |            |                   |           |                   |           |                |   |
| 15.1. Krahasueshmëria gjeografike        | <p>Statistikat e krimeve dhe drejtësisë penale në disa botime paraqiten në nivel qarku ku përfshihen: Berat; Dibër; Durrës; Elbasan; Fier; Gjikastër; Korçë; Kukës; Lezhë; Shkodër; Tiranë; Vlorë.</p> <p>Këto statistika janë relativisht të krahasueshme pasi institucionet që na sigurojnë të dhënat koordinojnë procesin e mbledhjes së të dhënave. Në të kundërt, dihet se statistikat e krimit në nivel ndërkombëtar kanë krahasueshmëri të ulët për shkak të rregullave të ndryshme të numërimit, legjislativioneve dhe rregullat e regjistrimit, etj. Puna për të përmirësuar krahasueshmërinë është në vazhdim, për shembull nëpërmjet Eurostat dhe UNODC, të cilët kanë implementuar së fundi edhe klasifikimin ndërkombëtar për qëllime statistikore (ICCS).</p> |                    |            |                   |           |                   |           |                |   |
| 15.2. Krahasueshmëria                    | Statistikat e krimeve datojnë që nga viti 1993. Procedurat statistikore për   |                    |            |                   |           |                   |           |                |   |

|  |  |
|--|--|
| kohore                                   | regjistrimin e veprave kanë ndryshuar në disa raste, për shembull nëpërmjet mbledhjes së re ose metodave të reja të numërimit. Ndërkohë ngjarjet individuale mund të ndikojnë përkohësisht në statistikat për disa vite, këto ndryshime janë të rëndësishme për të kuptuar veprat e raportuara me kalimin e kohës. Për shembull, në vitin 2015, Policia zbatoi një sistem të ri për menaxhimin e çështjeve. Nga ky vit, të dhënat janë më të sakta dhe kemi një numër më të madh të veprave të regjistruara.   |
| 15.3. Koherenca e ndërthurjes së fushave | Klasifikimi i veprave penale në krime dhe kundërvajtje penale bëhet bazuar në Kodit Penal të Republikës së Shqipërisë. Këto vepra të regjistruara bëjnë fjalë për ngjarje të ndodhura, të regjistruara nga policia, jo për gjykime të cilat janë në kompetencë të organeve të drejtësisë për të dhënë vendimin.  |
| 15.4. Koherenca e brendshme              | <p>Koherenca e brendshme e të dhënave kontrollohet me rregullat e validimit të shumës, si shuma e nëntotalit, ndryshimet e mëdha ndër vite, ndryshime të mëdha, siç përmendet në raport.</p> <p>INSTAT mbledh të dhëna për Dhunën në Familje. Ofruesit kryesorë të të dhënave janë Drejtoria e Përgjithshme e Policisë dhe Gjykatat. Nga Policia marrim të dhëna për rastet e raportuara të dhunës në familje, nga gjykatat numrin e personave që kërkojnë mbrojtje (urdhër mbrojtje). Të dhënat për gjininë dhe grupmoshat janë për autorët dhe të dëmtuarit nga veprat penale.</p> |
| <b>16. Kostoja dhe ngarkesa</b>          | Sektori i Zhvillimit të Statistikave Sociale është pjesë e Drejtorisë së Statistikave Sociale. Sektori ka një specialist i cili merret me statistikat e krimeve dhe drejtësisë penale.   |
| <b>17. Rishikimi i të dhënave</b>        |  |
| 17.1. Politika e rishikimit              | <p>Politikat e rishikimit bëhen në përputhje me politikën e rishikimit si dhe politikën e trajtimit të gabimeve të vendosura nga INSTAT. Për më shumë referohuni:</p> <ul style="list-style-type: none"> <li>• <a href="#">Politika e revizionimit</a></li> <li>• <a href="#">Politika e trajtimit të gabimeve</a></li> </ul>  |
| 17.2. Praktika e rishikimit              | Në rast ndryshimesh në pyetësorët që dërgohen në Eurostat për statistikat e krimeve, INSTAT bën rishikime në të dhënat dhe ridërgohet pyetësori nëpërmjet sistemit elektronik eDAMIS.  |

## 18. Përpunimi statistikor

### 18.1. Burimi i të dhënave

Të dhënat bazohet në burime administrative. Ofruesit kryesorë janë:

- o Drejtoria e Përgjithshme e Policisë së Shtetit
- o Prokuroria e Përgjithshme
- o Ministria e Drejtësisë
- o Drejtoria e Përgjithshme e Burgjeve.

Bazuar në këto burime, INSTAT mbledh, analizon, klasifikon dhe publikon të dhëna në lidhje me krimet dhe statistikat juridike. Të dhënat shprehen si numër dhe si tregues. Indikatorët e shprehura për 10 mijë banorë janë treguesit e kriminalitetit, norma e të burgosurve, norma e vrasjeve etj.

### 18.2. Shpeshësia e grumbullimit të të dhënave

Të dhënat nga Drejtoria e Përgjithshme e Policisë, Drejtoria e Përgjithshme e Burgjeve, Prokuroria e Përgjithshme dhe Ministrisë së Drejtësisë janë vjetore.

### 18.3. Grumbullimi i të dhënave

Në bazë të Memorandumit të Mirëkuptimit midis 3 institucioneve, INSTAT siguron të dhëna më të detajuara për kriminalitetin, të gjithë veprat penale të parashikuara sipas kodit penal dhe të cilat janë evidentuar nga policia. Gjithashtu të dhëna për personat e dëmtuar sipas veprave penale, gjinisë dhe grupmoshës. Të dhënat mbi autorët përfshijnë të dhëna sipas veprave, lidhjes viktimë-autorë, grupmoshës së autorit, shtetas i huaj ose jo, masave të sigurimit, nivelit arsimor.

INSTAT siguron nga Prokuroria e Përgjithshme të dhëna mbi procedimet penale të regjistruara dhe dërguar për gjykim për të gjitha veprat penale të parashikuara në Kod penal, gjithashtu të dhëna për të pandehurit sipas gjinisë dhe 2 ndarjeve moshore sipas veprave penale. INSTAT publikon të dhëna mbi personat e pandehur dhe procedimet penale sipas veprave penale specifike. Në lidhje me të dhëna shtesë që kërkohen në pyetësin e Eurostat, tabela të përgatitura dërgohen në formë shkresore pranë Prokurorisë.

Një burim tjetër i të dhënave është dhe Ministria e Drejtësisë. Ministria e Drejtësisë publikon çdo vit një Vjetar Statistikor dhe INSTAT-i bazohet në këtë botim për të dhënë statistika mbi personat e dënuar, llojin e veprave penale, rastet e trajtuara sipas nivelit të gjykatave. Nga Gjykata e Lartë merret në formë shkresore një evidencë statistikore mbi rastet (penale, civile dhe administrative) të trajtuara prej tij nga secila gjykatë e qarkut. Kjo evidencë përmban statistika mbi çështjet, mënyrën e përfundimit të tyre dhe afatet e kohëzgjatjes së çështjeve. Për të dhëna shtesë, në varësi të kërkesave specifike të përdoruesve, INSTAT i drejtohet me shkresë zyrtare ministrisë.

Të dhënat e lidhura me të burgosurit sigurohen nga Drejtoria e Përgjithshme e Burgjeve, me periodicitet vjetor. INSTAT publikon të dhëna për të burgosurit të

|                                |   |
|--------------------------------|---|
|                                | <p>ndara sipas gjinisë, nivelit të arsimit, dy grupmoshave kryesore (të mitur nën 18 vjeç dhe të rritur mbi 18 vjeç) dhe sipas llojit të krimeve që janë dënuar. Informacioni merret nga formatet statistikore që burgjet kanë, i siguruar nga MoU midis 2 institucioneve. Në çdo IEVP ekziston një dokument i quajtur Komunikim ditor që plotësohet nga personeli i burgut, ky dokument përmban informacione për secilin person të burgosur. Drejtoria e Përgjithshme e Burgjeve mbledh këto të dhëna dhe siguron informacion për të burgosurit çdo tremujor. Këto burime janë shumë të rëndësishme për ecurinë e punës dhe për plotësimin e afateve të përcaktuara kohore, sepse INSTAT-i nuk realizon vrojtim për statistikat e krimeve.</p> |
| 18.4. Vlefshmëria e të dhënave | <p>Me metoda të verifikimit të të dhënave administrative mund të përmendim: Kontrolli për plotësinë e të dhënave, konsistenca me kalimin e kohës, korrigjimet aritmetike (nuk duhet të jenë shumë të larta), kontrollet përmbledhëse, kontrolli i serive kohore nëse ka devijime të mëdha etj.</p> <p>Gjithashtu, INSTAT-i rishikon vlefshmërinë e të dhënave kur transmeton të dhënat e pyetësorit nëpërmjet sistemit elektronik të të dhënave dhe administratës së informacionit të Eurostat (eDAMIS).</p>  |
| 18.5. Përpilimi i të dhënave   | Nuk aplikohet.  |
| 18.6. Rregullimi               | Në statistikat e krimeve dhe drejtësisë penale nuk bëhen rregullime në të dhënat e dërguara nga institucionet.  |
| <b>19. Komentë</b>             |   |
| <b>Aneks</b>                   |   |